

儀禮

儀

禮

儀禮卷第一

士冠禮第一

儀禮

鄭氏注

士冠禮筮于廟門主人玄  
冠朝服緇帶素鞶即位于

門東西面有司如主人服  
即位于西方東面北上筮  
與席所卦者具饌于西塾  
布席于門中闌西闕外西  
面筮人執筮抽上韞兼執  
之進受命於主人宰自右

少退贊命筮人許諾右還  
即席坐西面卦者在左卒  
筮書卦執以示主人主人  
受眡反之筮人還東面旅  
占卒進告吉若不吉則筮  
遠日如初儀徹筮筮席宗人

告事畢主人戒賓賓禮辭  
許主人再拜賓荅拜主人  
退賓拜送前期三日筮賓  
如求日之儀乃宿賓賓如  
主人服出門左西面再拜  
主人東面荅拜乃宿賓賓

許主人再拜賓荅拜主人  
退賓拜送宿贊冠者一人  
亦如之厥明夕爲期于廡  
門之外主人立于門東兄  
弟在其南少退西面北上  
有司皆如宿服立于西方

東面北上擯者請期宰告  
曰質明行事告兄弟及有  
司告事畢擯者告期于賓  
之家夙興設洗直于東榮  
南北以堂深水在洗東陳  
服于房中西墉下東領北



上爵弁服纁裳紆衣緇帶  
韎韐皮弁服素積緇帶素  
韠玄端玄裳黃裳雜裳可  
也緇帶爵韠緇布冠缺項  
青組纓屬于缺緇纒廣終  
幅長六尺皮弁笄爵弁笄

緇組紘纁邊同篋櫛實于  
簞蒲筵二在南側尊一甌  
醴在服北有篚實勺鬴角  
和脯醢南上爵弁皮弁緇  
布冠各一匱執以待于西  
坫南南面東上賓升則東

面主人玄端爵韉立于阼  
階下直東序西面兄弟畢  
衿玄立于洗東西面北上  
擯者玄端負東塾將冠者  
采衣紒在房中南面賓如  
主人服贊者玄端從之立

于外門之外擯者告主人  
迎出門左西面再拜賓荅  
拜主人揖贊者與賓揖先  
入每曲揖至于廟門揖入  
三揖至于階三讓主人升  
立于序端西面賓西序東

面贊者盥于洗西升立于  
房中西面南上主人之贊  
者筵于東序少北西面將  
冠者出房南面贊者奠纒  
笄櫛于筵南端賓揖將冠  
者將冠者即筵坐贊者坐

櫛設纚賓降主人降賓辭  
主人對賓盥卒壹揖壹讓  
升主人升復初位賓筵前  
坐正纚興降西階一等執  
冠者升一等東面授賓賓  
右手執項左手執前進容

乃祝坐如初乃冠興復位  
贊者卒冠者興賓揖之適  
房服玄端爵鞞出房南面  
賓揖之即筵坐櫛設筭賓  
盥正纒如初降二等受皮  
弁右執項左執前進祝加

之如初復位贊者卒紘興  
賓揖之適房服素積素鞞  
容出房南面賓降三等受  
爵弁加之服纁裳韎韐其  
他如加皮弁之儀徹皮弁  
冠櫛筮入于房筮于戶西



南面贊者洗于房中側酌  
醴加杣覆之面菜賓揖冠  
者就筵筵西南面賓受醴  
于戶東加杣面枋筵前北  
面冠者筵西拜受觶賓東  
面荅拜薦脯醢冠者即筵